



同治十三年

庚午年

歲次

藝文

經世大業莫重於文明。廷制作高文典冊。彪炳古今。焉
班而降。燕許以遷。册府所傳。齊歸不朽。此文人學士
因事著言。紀行昭來。皆微曲折。杼軸於懷。大則世教有
裨。小亦纖微。必錄誠亦有不容泯沒者。一邑之山川人
物。締造經營。卽事証文。因文核事。咏歌諷誦。文傳而事
與俱傳。上可備採擇於輜軒。下則播規爲於遐邇。藝文
所繫良該博矣。纂輯志乘。依次錄焉。志藝文

詩

高平縣志

卷之十八

藝文詩

御製

賜高平知縣梅建咏蒙恬所築長城

萬里經營到海涯。紛紛調發逐浮誇。當時用盡生民力。夫
下何曾屬爾家。

扶風歌

晉劉琨

朝發廣莫門。暮宿丹水山。左手彎繁弱。右手揮龍淵。顧瞻
望宮闕。俯仰御飛軒。據鞍長歎息。淚下如流泉。繫馬長松
下。發鞍高岳頭。烈烈悲風起。泠泠澗水流。揮手長相謝。哽
咽不能言。浮雲爲我結。歸鳥爲我旋。去家日已遠。安知存
與亡。慷慨窮林中。抱膝獨推藏。麋鹿遊我前。猿猴戲我側。

道微矣夫子故有窮我欲竟此曲此曲悲且長棄置無重
陳重陳令心傷水經注丹水東南流注於丹谷卽劉超石
扶風歌所謂丹水者也

同李太守北地泛舟宴高平鄭太守唐高適

每揖龔黃事還陪李郭舟雲從四岳起水向百城流
隨登陟嘉言卽獻酬乃知縫掖貴今日對諸侯

精衛岑參

負劍出北門乘桴適東溟一鳥海上飛云是帝女靈玉顏
溺水死精衛空爲名怨積徒有志力微竟不成西山木石
盡巨壑何時平

高平縣志 卷之十八 藝文詩

和高平朱一作參軍思歸作 韓翃

髯參軍髯參軍身爲北州吏心寄東山雲坐見萋萋芳草
綠遙思往日晴江曲刺船頻向剡中回捧被曾過越人宿
花裡鶯啼白日高春樓把酒送車螯狂歌好愛陶彭澤佳
句唯稱謝法曹平生樂事多如此忍爲浮名隔千里一雁
南飛動客心思歸何待秋風起

精衛啣石填海 韓愈

鳥有償寬者終年抱寸誠口啣山石細心望海波平渺渺
功難竟區區命已輕人皆譏遣次我獨賞專精豈計休無
日誰應盡此生何愁刺客傳不著報仇名

山亭懷古

張引端

叢石依古城懸泉涵清池高低袤丈內衝霍相蔽處歸田
竟何因爲郡豈所宜誰能辨人野寄適聊在斯

高平東私路

李賀

侵侵欄葉香木花滯寒雨今夕山上秋永謝無人處石溪
遠荒澁棠實懸辛苦古者定始尋呼君作私路

長平箭頭歌

漆灰骨末丹水沙淒淒古血生銅花白翎金鋒雨中盡
餘三脊殘狼牙我尋平原乘雨馬驛東石田蒿塢下風長
目短星蕭蕭黑旗雲濕懸空夜左魂右魄啼肌瘦酪難割

高平縣志

卷之十八

藝文詩

三

盡將牛炙蟲棲雁病蘆筍紅迴風送客吹陰火訪古汎瀾
覆斷鏃折鋒赤瑩曾割肉南陌東城馬上兒勸我將金囊
簪竹

長平弔古

大愚公

長平埋碧血千古思悠悠哀壑青燐出雄風濁水流斷
吹舊雨殘葦泣新秋何處機槍沒悲悽若解愁

長平

胡曾

長平瓦震武安初趙卒俄成戲鼎魚四十萬人俱下世
元戎何用讀兵書

寄題西京致仕張郎中靜居院

宋韓琦

院爲今之古同平靜居村即中名完有四堂夷心會真清
白金蘭

休官得宴閑理固居處靜中或不自達彌物擾天性遂令
優游心反致寂寞病二川有者英識豈斯人並周才當要
職美譽著群聽氣體殊未衰援禮請還政安居得西歸燕
沒治三徑蕭然絕世行日以道自勝以靜名厥居內外了
相稱君懷本清虛復此林泉瑩君道本和樂况有琴尊之
新堂闢四隅立意尤高迥夷襟造真境友益具子令藥品
稽神仙門法尙忠正肌膚松菊香庭砌芝蘭盛天宜錫
老以示君子慶予亦希君者談寵竊機柄無裨紫極尊動
高平縣志

卷之十八

藝文詩

四

有赤松與報國苟鎬銖竄身違陷阱雅志吁未偕高山徒
景行

經戰地

魯交

長乎爭戰地黷慘無人耕戰士報國死寒草迎春生沙飛
賊風起晝黑陣雲橫未持天下箒何以掃欃槍

錢東之教授惠澤州呂道人硯爲賦長句

陳與義

君不見銅雀臺邊多事土走上觚稜蔭歌舞餘香分盡
不除却寄書林汚穢楮豈如此瓦凝青膏冷面不識奸雄
當此窮已云滋餘泣通譜未許以農陶暮年得君真耐久

摩挲玉質雲生手未知南越石虛中亦有文章泐翠書
家撲滿本第昂趣清尚濁何年分一劫墜地真无礙莫
韓公無瘞文

長平懷古

孫冲

邯鄲無策信馮亭上黨須貪澤起兵趙括母言猶不聽當
時誰肯計長平

前題

朱正辭

草深荒壘對長亭枉是當年殺趙兵今日聖朝無一事只
聞邊戶樂昇平

衍祥符壬子歲出宰平陰道由泫氏嘗賦長平詩二

高平縣志

卷之十八

藝文詩

韻天聖己巳後忝移用觀孫朱二君留題爰錄於此

宋聖九年八月

杜衍

馮亭獻地豹言非秦間廉頗又不疑四十萬兵降死後渾
輪括母一先知

留題長平驛

梁鏜

秦趙均為失霸圖起何殘忍括何愚殺降未見無禍者累
將其能有種乎日暮悲風噎丹水夜深寒月照頭顱快心
千載杜郵劍人所誅耶鬼所誅

勸學

黃廉

河東人物氣勁家澤州學者如牛毛大家子弟弄文墨其

次亦復誇弓刀去年校射九百人五十八人同賜袍今年
兩科取進士十子釣海登靈鷲邇來習俗益遷善家家門
戶爭認高駘兒市上買書讀寧使田間禾不婦我因行縣
飽聞見訪問終日忘勤勞太平父老知此否語汝聖世今
難遭欽令王民盡知教先自鄉里烝群髦古云將相本無
種從今着意鞭兒曹

寄申百勝三首

金 劉昂霄

直氣南山相與高爭教塵土浣青袍征科頗似曾料理差
勝參軍作馬曹

執版那能拜下風世間禮數困英雄狂歌醉舞人誰識

高平縣志

卷之十八

藝文詩

六

悼通泉郭代公

連昌能隔幾牛鳴不見令人鄙吝生乘輿時思一相訪劇
談豪飲見真情

悲長平

蕭 賁

秦兵伏甲武安西趙將非材戰士携千里陣雲沉曉日萬
家瓦屋鬢秋聳哀纏朽骨天應泣怨入空山鳥不棲百戰
區區竟何補阿房烟草亦淒迷

糧山積雪

王 綱

大糧山頂雪成堆趙壁秦城迹已埋獨喜豐年應有兆陽
春一曲向誰裁

高平道中望陵川二首

其詳先龍城府
君泰和中舊治 元好問

列宿澄明墨綬尊中臺良選到名門來時班華誇健訟去
日攀轅餘淚痕一片青山幾今昔百年華屋記差存泰和
遠老今誰在向道甘棠有子孫

給闕交書到酒卮請曹小吏亦鈔詩座中佳客無虛日簾
下歌童盡雅辭棠棣有華移舊巧櫻桃和露彈繁枝書郎
零落頭今白腸斷荷衣出拜時

南門關

高門關頭霜樹老細路千山萬山繞亂餘村落不見人雪
霰霏霏暗清曉莘川百里如掌平閑田滿眼人得耕山中

高平縣志

卷之十八

藝文詩

七

樹藝亦不惡誰遺多田知姓名許李申楊竟何得只今唯
有石灘聲許致中楊湯臣中百勝李仲常名宦四家隱
羅氏時以多田推之亂後俱不知所在矣

潞州形勝

李晏

東迤谷口疊群山吞吐嵐光紫翠間削玉遠排珪首鏡暈
張輕拂黛眉彎五龍飛去松杉老萬井喧囂日月間遊客
乍醒塵土眼仙局誰指扣元關

白巖寺群山環抱村落相望亦奇觀也惜乎無水因
作絕句書石當有永出

只有山光無水聲我疑神物固巖扃如何鑿得一飛泉出
為山僧此六丁

山寺春春已
連紫梅猶有折殘枝
老僧兀坐如枯木
花謝花開總不知

五龍祠禱雨

麥稿永焦厭火雲
引觴潛禱五龍神
君能借我青驄馬
傾倒天瓢濟此民

喚梅圖

李仲畧

靡靡霽色冷黃昏
缺月疎籬水外村
人在天涯花在手
一枝香雪寄銷魂

南征道中

申萬全

回首秋風謝敝廬
崎嶇又復逐戎車
人生行止原無定

高平縣志

卷之十八

藝文詩

八

羣江湖縱所如

病中遣懷

浪走天涯歲月侵
病中猶作越人吟
野麋本自便豐草
倦鳥寧當忘故林
画像功名元有命
乞墦富貴果何心
幾時真說塵寰累
嘖穴尋君不厭深

綵樓

李俊民

高平縣綵樓聞之舊矣
今始親見議者猶謂高下侈麗
不及向者三分之一
因感賦之

層層華構高且崇
萬綵糾結填雋紅
何人下手奪天巧
都人意匠經營中
書契以來未省見
異事驚倒百歲翁
鄧氏

嚴管... 欲立屏息懶無功
寒意憂憂鳴
俄婦積年
軸... 山川
許可歸
繡裘塵土盡
昔羅綺封前者
攀轅
後者
挽奔車
逕欲趨靈宮
三年送迎禮
雖舊人事不與天
時向方
當炎屬行夏
令權勢大抵歸
祝融神之於人
無厚
薄蓋以至誠能
感通豚蹄豆酒
道傍祝所獲神
賜亦已豐
閭閻疾苦還知
否我爲大夫歌
大東

上長平寄楊成之

衰遲長在外
嬰鑠愧征鞍
世路驚心惡
天風刮面寒
迢迢
人漸遠
冉冉歲將殘
今夜梅梢月
同誰共倚看

送郭上舍淵之回高平

劉龍

高平縣志 卷之十八 藝文詩

九

功名牽引客京華
三載萍踪始到家
準擬蛟龍得雲雨
不
應騏驎困泥沙
春光欲動柳先色
殘雪未消梅已花
回紙
撫書人共喜
更無魂夢繞天涯

長平戈頭歌

劉基

長平戰骨烟塵飄
歲久遺戈金不銷
野人耕地初拾得
土
花漬出珊瑚色
邯鄲小兒強解事
枉使泥沙埋利器
四十
萬人非少弱
勇怯賢愚一朝棄
陰坑血冷秋復春
朽壤食
蓋蒼蛇鱗湮淪
長愧杜郵劍廢墜
空憶春嶽人
故壘中宵
鬼神入雲愁
月暗戈應泣
嗚呼當時豈無
牧與顏
戈乎不

可奈何

長平戈頭歌

陶淵

長平野人鑿地得古戈上有欵識字幾久俱滅磨惜不能
如豐城古劍射牛斗吁嗟戈乎奈爾何但見青銅凝寒暮
烟紫月黑山深夜飛雨恨血千年猶未消荒郊夜夜啼冤
鬼當年趙括輕秦人降卒秦坑化爲土嗟哉趙亡秦亦亡
落日荒城自今古摩挲爾戈一問之令人爲爾生愁思何
不以爾爲鐘鐻何不以爾爲鼎彝吁嗟戈乎徒爾悲爾今
還當太平世人間銷兵鑄農器願壽吾皇千萬年終古不
用戈與鋌

精衛操

王達

高平縣志

卷之十八

藝文詩

十

滂之水兮靡可量余之怨兮旣綿且長志殊苦兮力日偏
西山木石有時盡海不枯兮愁不忘

長平

謝肅

引輓方上牛參旗正南舉行行堠路明忽在長平聚踟躕
念衰韓不得守茲土嫁禍於趙國移師與秦拒趙卒一以
坑秦兵肆攻取惜哉廉將軍制敵中且沮遂令銳頭兒殘
暴踰猛虎善戰服上刑賜劍非弱主咨爾頭顱山委命復
何語

宿長平弟賈魯

薛道

長平驛是相公家不見當時富貴花只有蒼蒼喬水在至

今猶宿夕陽鴉

白起荒臺

喬宇

赤旗盡拔光狼城趙人十萬坑長平丹水河邊有冤谷古
魂夜嘯風雨聲千載空城樹無葉曾為將軍駐旌節沉鎗
出土半未銷古血青青蝕寒鐵

武安城

李夢陽

孤城突如塊據山瞰流水誰能經營之無乃秦白起東北
連長平遙遙數十里想是擊趙時卜此御旌壘鳴鼓收降
旗一坑萬人死耀武恣暴君貪功泣冤鬼白骨蔽邱原霜
屋慘陰晦進爵食武安聲名播青史迄今千百年此城名
尚爾先王重民命師行非得已何以納來降屠戮比螻蟻
坐驅文武民盡入虎狼齒春秋誅亂臣功罪不相擬善戰
服上刑聞諸孟夫子

高平縣志

卷之十八

藝文詩

十一

送郭刑部守寧波

高平郭瑾自刑部郎中守寧波

何景明

漢廷黃綬吏西省白雲司豈謂為郎久猶言出守遲雲霄
無賜履江海入褰帷古趙今名郡風流當在茲

酬郭內翰上陵還詩

帝遣朝陵日暫辭供奉班楸梧開玉殿雲霧宿春山晚向
松間散晴從花下還知君有佳句傳向五陵間

送張御史巡畿內

高平張雲路巡南此兩集

以京樓殿鬱雲虹淮海文章御史馳三端自來多冠盜五
陵今日更豪雄埋輪亦在都亭下攬轡仍行甸服中滹水
太行烟霧裡獨看高阜擊霜空

高平縣志

卷之十八

藝文詩

三

宿長平驛

常倫

青史哀降卒山川見故邱重來今日意不盡異時憂野驛
春花發長途宿雨收遙聞田父語猶得舊戈矛

咏米山

李雪山

積雪如山夜唱籌廉頗爲趙破秦謀將軍老去三軍散一
夜青山盡白頭

丁卯九日登米山直賦其事

劉鴻訓

天光清且和人事復空平弟兄闈中來淡焉無競名白石
增一歲射覆如後生羽客真仙子宛也水澄泓宗人翁與
卜恬恬忘世營余亦兀病人暫釋轡下併首字若爲開小

隱忘其程陟巔中舖前羅列指高薨不圖厨中兒搏黍和
虛錫亦曰登高餐不奉主人呈佳言物外發韶趣優雲征
往者豈不樂今日居其彭

九日登米山

米阜自無恙米船書不足今秋泉脈生十里環新瀆高矚
興欲舒雲開懷不束嶺頭陳五羈觴政俱離俗鳴鏞衛長
戈稍爲時所局海風東北來苧袷肌生粟四覽未周迴三
巖方接續自分酒力薄西山峙寒玉好况兼素交不盡宣
衷曲候吏滴牘催令人欲僕僕此日尙勞騷何時脫蠻觸
馬上照流波塵容聊浣浴

高平縣志

卷之十八

藝文詩

十三

九日眺米山得見字

耳後流光滅如電眼前米阜頻相見每逢重九來此遊主
人不惜羅芳宴阿誰主人曰松舉舉下松濤如海淀海淀
當年醉茱萸戚里風光目爲眩何如長白九十峯竟似燕
山分半面崑隈撥換此鐘孤獨枕佳園乃奇羨培塿有靈
今始知搖曳白虹牽素練昔時兵衛尙登臨去歲衝泥勞
眷眷惟有此會神情徹骨清冷風抖擻棕櫚薦米山草堂
今成矣黃金莫惜爲佳院主人道力淡且真此地風流應
久擅千種豪華湏掃除但留芥蒂非方便請看頭上未滿
輪穢塵飛不到冰片

定林寺

崑端古寺動靈思
斷碣荒亭勢若夷
一勺寒泉無日夜
朝遺事半迷離

送劉弼父令高平

屠隆

玉鞭皂皂紫絲韁
馬上秋雲擁太行
三晉河山雄自昔
朝况復起循良

驪駒一曲指西河
紫氣關門仙令過
君去山川堪遠眺
來汾水白雲多

獨登秦白起城

郭新

千古誰同我高呼
只有天山來秦帶
晉水去趙歸燕鳥

高平縣志

卷之十八

藝文詩

古

黃雲壟牛耕白骨田
屯軍人已沒遺恨尙年年

長平和薛文清韻

李栢

借問長平賈相家
滿天風雪積瓊花
依然流水丹山險
木森森幾度鴉

勞勞亭

地路衝三晉勞勞此
建楹風霜勤夙夜
車馬苦追迎一
千錢盡連交百里
驚問中愁未了又見
嶺頭旌

冬次長平更次文潞公韻

名勳豈係幾行書
妙用當年總不如
可恨趙秦征戰罷
今遺跡論兵車

長平弔古

陳均揆

戰鬪於今歷有年長平之名邑乘傳戰士骷髏歸碧土騷
人憑弔問蒼天六王將畢四海一將不知兵國與敵嗟吁
四十萬人骨未冷市傳二世秦鹿失人生夭壽宰於命國
遲延促力難競以秦爲鑒不鑒秦八千子弟兵徒勁

吉祥寺

郭鑿

珠宮隱蕙薜客至午初開橫檜斜侵閑溪流曲抱臺遙高
玄思發送酒白衣來麋鹿平生性無嫌冒雨迴

曉發高平

晨曉理飛節驅車南郭驅辭親北堂下悒悒涕沾裳還阻

高平縣志

卷之十八

藝文詩

五

意方眷王事未敢違駕言出舊閤仗劍登前岡律律僕夫
職駢駢征騎翔虞虞原草媚習習晨颺揚矯首睇雲鶴路
岐情內傷丈夫志四海兀處曷能臧

金峯登眺

郭鑿

徐徐曳杖步葱嶺振衣直上千峯頂藥餌隨吾卧翠微此
身疑在蓬萊境松音恍惚作梵音林影依稀似禪影三晉
人物雨聲中秦趙旌旗荒晉隱古今塵跡俯仰間安遇漁

樵園劇飲前岐渾似武陵源
倦游歎川沙井何日香山
締舊盟千仞鳳翔昔引領
上方風景覽徘徊童罔金漏
煥襟鷗肯將綠野負烟霞
夢入魏皇卧高枕

石堂別墅

郭東

結廬石堂會行坐見南山
梅帳塵囂隔茅齋趣味閑
苔痕侵砌畔草色映簾間
地僻兼心遠樓遲未欲還
懶逐追趨後鍾情獨在山
百年寧有幾萬事總皆閑
倚杖晴嵐外開樽芳杜間
陶生怡悅處無意九衢還
一邱蕪我拙小構儘依山
水月心偏靜烟霞思獨閑
釣竿橫沼上樵笛起林間
底事辭軒冕金丹欲返還

高平縣志

卷之十八

藝文詩

共

避喧弛俗擔白社結青山
歲月壺中永風光林下閑
謀生磽确裡適意莽蒼間
春雨肥黃獨長鑱自勵還

宅西有岡土人傳呼高屋上
疑昔時有宏構也耕犁所及
頗多瓦礫世代不可稽矣予
因建文昌祠桂香亭於上漫成一律

當年高屋何人建此地猶傳高屋名
塵世滄桑湮棟宇溪山形勝自迴榮
築亭漫意繩前構詒穀還期拓後營
人傑地靈應有待文昌篤祐萬年宏

登玉皇閣

翠峯高巖挿碧空
山河城市顧瞻中
天風遙御雲端裡
疑

元建京第一宮

長平弔古

蕭啟

驛路臨長平驛亭繞古木風葉落寒濤雲林接崑崙谷丹河
留舊名戰場作新陸嗟彼趙公子枉爾父書讀臨陣無奇
謀一敗身即仆遂致不仁徒得以肆驕毒四十萬雄兵僅
留二百卒枯骸盈野疇英雄依草木逝水咽不流母言可
三復

勉學諸生

史可行

大明光八紘吾皇聖天縱撥亂開太平嘉祥致麟鳳輔治
求文儒寸能俱錄用乘驄過雷封少緩青絲鞵縣官行郭

高平縣志

卷之十八

藝文詩

十七

門知法禁迎送相隨謁泮宮興伏禮云中濟濟來珮中邗
鄉奏絃誦載瞻先達祠人物列唐宋玉立廟廊姿名成總
鄉貢古今時則殊道義人所共諸生繼芳躅美質皆出衆
明堂若需材期爾作梁棟

送劉和宇使秦藩便道

覲省

王家屏

綠鬢神仙侶青雲侍從臣校藝依日月捧節下星辰桐葉
遙分陝皇華故使秦脈腦周典禮帶礪漢冠紳宴設新豐
酒花明灞澗春舉帷瞻華嶽飛旆渡漳濱上黨傳經地西
京作賦人趨庭紆畫錦里閭溢光塵

豫節婦瑞芝墓

劉鳳池

桑鵝歸古刺女子其和同大
鄒子婦遭涉多艱窮殘燈照
人九原信可通震雷轟景臺
產佳城中九莖絢絳谷五色
桂叢馨馥流千古令名與之
陰柔性易轉書爲座右銘

齊史昭天功靈苗豈無謂而
耀晴虹天桃恥凋落願比蘭
同嗤彼濮上女何殊犬彘行

骷髏廟

于達真

此地由來是戰場平沙漠漠
野蒼蒼恒多風雨游魂泣如
在英靈古廟荒趙將空遺千
載恨秦兵何意再傳亡居然
祠宇勞瞻拜不信骷髏亦有王

高平縣志

卷之十八

藝文詩

六

教場閱武

袍鼓中原久不鳴軍容乍整
古長平山雲欲吐千夫氣河
勢長嘶萬馬聲北旅看來曾
是陣牙旗建處始知兵安危
保障須賢令誰道金湯只在城

長平弔古

呂純如

荒涼鬼火夜燐燐白骨黃沙
共慘神豎子無謀終覆趙將
軍有勇亦亡秦招魂不入春
閨夢揮淚常沾壯士巾幸遇
太平皆帝力敢辭駑馬逐風塵

三月晦宿長平驛偶成

鄭旻

平川渺渺帶重岡秦趙當年
此戰場阮公幾隨塵劫盡

流猶自咽衡漳

烟籠古驛柳 依依買令池臺今是非傍 晚停車來住宿客
塵遮莫送春暉

長平弔古

卜汝梁

趙兵四十萬生聚在何年一朝爲秦坑是孰驅之前陰雲
慘白日西風號九泉林林億兆衆豎子頭可懸甘心受大
戮白骨深谷填燐火夜夜明難消萬劫冤快哉杜郵劍庶
幾稍有天丹河流不盡此恨終綿綿

別東穀孫給諫

王世隆

風塵驚見子歲月苦離羣遠道悲黃鳥山花照夕曛疏留

高平縣志

卷之十八

藝文詩

十九

青瑣闥劍帶紫星文何日三台上相邀奉聖君

禽語

楚辰山中有鳥焉每至四五月時則鳴其聲大而甚明
土人譯其音遂名之曰乾柴乾槁今晉地山間亦有之
則名之曰青田田而譯之其音以爲蠶老防火其實本
一鳥而晉楚之人其名不同若此蓋楚人重竹木之利
晉人尚蠶故因其地與其時之所急而託名以警人也
然楚之竹木以爲利而晉之蠶則實病焉蓋自數年以
來災沴相仍征科益急耕夫女紅皆困竭矣肉食者將
無憂耶乃襲其語而爲之詞

乾柴乾稿蠶老防火青田田夜不眠歲織幾疋絹不得身
上穿山中苦年復苦雨舊逋未了新逋至努力經營納租
稅半入王孫充祿米王孫出城騁遊戲一擲千金償歌妓
鈔空乞米仍去城有司逮責民益貧空責有司王孫不知
民貧奈何王孫實多山西之地北控黠虜西臨犬戎障蔽
京輔屹然虎熊休養生息一宜豐隆政煩賦重民乃窮民
窮盜起人洶洶前年寇青羊去年寇靈石未必良民其就
死要亦催科激之耳我願天王慮終始子子孫孫千萬世
山西之民宜早恤禽語雖微有至理

高平夜思

黃洪毗

高平縣志

卷之十八

藝文詩

三

秋聲入竹布窻虛一劍相依萬里餘賓雁不傳雲外字天
鷄獨理案頭書烟籠銀燭臨風舞露濕黃花對月疎三晉
地形天下險丈夫許國欲何如

弔尚節婦

未識夫面爲夫亡豈比尋常烈女行白髮尙然移晚節青
平誰肯棄春光魂歸地下乾坤老名在人間草木香吾不
寺開輓下淚爲伊千載振綱常

送黃侍御

張雲路

馬西來此地遊觀風唐魏舊皇州山川搖動飛霜電
高平侍御臨白筆裁詩驚杜鬼使星三伏漢望仙居聲名

到意孤鴻遠西境蒼生始未愁

長年驛

晉定王

月淡星稀曉色晴
一鞭並指到長平
山川滿目清如許
千載猶傳賈魯名

咏賈魯

賈生姓字冠名流
卜得林泉傍此邱
古木至今風颯颯
黃昏啼聽鳥聲幽

賈平章

無名氏

傍天驛舍傍雲關
故第猶傳賈相材
憶昔當年冠平仲
一生無地起樓臺

高平縣志

卷之十八

藝文詩

三

金峯宴集

裴宇

追歡覓勝地登眺及芳辰
雲擁山嵐秀風搖柳色新
笙歌臨緝室樽俎共朝紳
梓境情方愜臨岐又問津

骷髏山

李濂

骷髏山下合秦軍
穉子坑降獨不聞
落日沙原重回首
長空雲接杜郵雲

重九遊西山

郭嗣煥

恒陰不覺過重陽
信步凌風陟紀堂
蹊徑欲攀履趾滑
接羅為蔽雨絲涼
村醪對酌由人醉
野菊開收任自香
囊裏萸萸競插何妨歸
典坐中忘

名采驚秋

張翮

樹滿空山秋實肥
楚人踴躍著繩非
不知歲月林間晚
海先驚攻乙歸

十里蒹葭秋水灣
琅園舊在翠微間
山行忽訝鐘聲起
碧冷遙欽煙作鬟

輓渭南令

中原寇騎接函關
如馬機雲戰血斑
唯水忠魂還共許
漁陽義舌獨推顏
關河懸日終留照
姓字如山不可刪
報國一心空有恨
漢宮秋冷鳥飛還

輓渭南令

張流謙

高平縣志

卷之十八

藝文詩

三

萬里江山倏已非
渭陽孤守欲誰依
嬰城尙厲身先士
抗賊何妨血染衣
慘澹頓移天地色
摧殘未盡鬼神機
成仁取義諸君願
莫用招魂望遠歸

長平八子詩

程康莊

陳壺嵐

壺嵐曠周旋十春謀
一面柵戶領陳醜
掃徑通群彥山色
樓城頭長河淨如練
邱壑滿中浮華豈能眩

姬相周

姬公方下士返駕更延賓
登山倚卽墨示微不重陳
春城羈旅客遲暮但經旬
二子遠來謁儻然同避秦

申葵栗

申子寒羶破粗纒逼面屏
迎賓無雜座賃屋半踈檣
始交若有契坐久更忘形
獨謂吾詩老終當託汗青

武君十

君十愛棲遲銜觴事林壑
俯視塵土腥亡簪茹藜藿
開我匪由天板纏聊見薄
剩有素心人同期馭鸞鶴

陳吾青

吾青既藏輝裘敝舌亦禿
獨念王子方經天注東漢
當時英雄人潛鬪何太速
不如飲美酒逸光向筍獨

龐鳩六

高平縣志

卷之十八

藝文詩

三

鳩六屣履迎投轄若不早
下榻雖未成所感在懷抱
竹簞時寫書開樽驗文草
相契已忘言鴻名永爲寶

石泰華

泰華恩感人豁達吐懷素
累觴求一醉精神與之赴
顧見日將昃風塵漭迥互
常恐促歡節酒向西光妒

武二酉

二酉富詩書筆芳眇流輦
蝸舍取厨烟隨階有餘態
共友檢農皇曬藥松陰肯
卜築本無塵丹砂有時配

空倉夕照

王徽

遠山晴色帶斜暉山行人家半掩扉
村樹亂鴉棲不定

聲樵鳴鳥歸

長平弔古

胡希顏

羊犬當年犯虎狼長平一鼓盡坑亡血隨流水凝青州魂
逐秋風戰白楊監子陰謀成是算括生兵法豈爲良停車
弔古傷心後俯仰乾坤正杳茫

米山定林寺

國朝 畢振姬

黏天峰側野橋灣米子開州直寺闌白鹿去來小朗洞青
羊今古大糧關詩禪四鐸香留座宦學三年御見山回首
懸崖清入夢石淙花雨水潺潺

弔楊渭南死事

高平縣志

卷之十八

藝文詩

十四

蓮嶽青天絕西風戰血收荒城鬼火斷落日禹河流直道
榮今古藏書信魯周文章功罪核君父死生憂薤露眠孤
鶴烽煙噪野鷗沂山焚舊誅樗里杖新楸石凍蛟龍雨蕉
寒士女秋旅魂宵練螿歸路晚潮留宿草魚鱗變溫淪馬
羸翻陰房招未得關月慘蘆洲

雪後望吉祥寺松

雪隱禪花石磬閒上方僧衲帶雲還一龕冷浸琉璃鏡門
外蒼龍吼萬山

夏遊西山

登午樹隱胡麻十里山椒見一家古廟毀垣苔半合蒼

龍提雨石壇震

野老逢人出遠國新煎火麥捧茶煙
坐中指點神靈夢沙
石牛畊四五年

韓王寺 步邑侯 侯公韻

畢 澗

龍吟石鼎大年長坐卧碑陰病亦香
麋鹿野心詩鼻懼麒麟
高步寺韓王苔衣洗鉢山頭雨草
甲橫戈日脚陽水盡
南天四百院問師何處負繩床

長平坑歌

王士祿

虎狼之秦胡不仁銳頭小兒服振振
劫灰更促括也將一
戰趙壘成埃塵白骨嶽積四十萬至
今此地無青春丹河

高平縣志

卷之十八

藝文詩

五

水繞發鳩麓指點當年趙兵番土人
往往坑旁耕拾得殘
戈或斷鏃鏃頭長以寸戈頭長以尺
持將磨向丹河沙古
血猶腥土花赤省冤谷接武安臺南
來遺跡仍崔嵬應共
謁霞山下月夜深同對鬼燐哀

遊定林寺

王邦柱

由來不識定林寺此日相攜作勝觀
法象莊嚴金色古
湫噴吐玉聲寒苔封崑徑穿雲入花
散清空過雨看靜對
老僧猶結夏午天無暑到蒲團

韓王山

張 沂

天開登嶽插雲霄側視臨風入望遙
與月始終澄夜氣共

雲來任認巖樵山山秋洗僧伽衲葉葉霜催鷹隼駭爲遠
塵器尋勝迹重來禪院聽蕭蕭

輓渭南令忠烈楊公

兵燹集重圍長虹起渭濱挺身怡白刃灑血耀青燐華嶽
留生氣關河壯死臣遠巡今尙在千古共成仁

長平行

官于宣

古今有奇慘莫過長平道冤魂四十萬飄零成腐草驅車
已昏黑殷勤進父老父老前致詞往事傷懷抱使君且秉
燭賤叟請具述竊聞周命衰奸雄羣逐鹿秦國類虎狼盛
氣欲吞六初猶親穰侯旣乃得張祿不敢兵加趙所忌頗

高平縣志

卷之十八

藝文詩

三

與牧千金行反問奇兵試埋伏出哉趙家兒曾把父書讀
年少初至軍盡更諸約束上將未知名佯敗卽追逐堅壁
不得入規臺已斷築絕糧五十日人馬齊朽腹勢窮自搏
戰徒死恐不速數十餘萬命一旦填溝壑何曾聞閔聲解
甲坐受縛屍積凌太行血飛噴王屋爺娘與妻子何處認
爾骨膏漬少波瀾河染成丹雘猛獸沃心肝饑鳥啄其目
一飽不再過污漬無復肉廢竈寂無煙樛顛自似月圓自
逢天陰送送聞鬼哭燐火暮趁人日落不敢出夜坐影危
疑獨居神恍惚傳自唐元宗題作省冤谷置封骷髏王以
鎮厲鬼族至今存者有祠祀典不少闕農夫出閭來古跡時

發掘戈頭黃金花箭頭青銅簇山之與衆視制廣鋒殺薄
戰國養兵器近代無此物太息彼趙王豎子亦推轂垂老
廉將軍揮淚見覆沒用人信惟舊善敗能不辱秦將武安
君窮克勝倚杙螻蟻眎人命萬死正莫贖逆料邯鄲圍秦
師勢必屈此亦有良算誰識蒙顯戮殺降至不祥况乃恣
荼毒更聞新安城楚亦坑秦卒趙卒爲秦坑前後慘相續
天意如轉圜物理有報復每思全盛世脩德恥窮黷始知
兵不精百萬徒碌碌今茲王報庄一帶戰場曲風雨洗腥
臊山河靜草木賴見人烟稠且慶嘉禾熟俯仰數千年幾
聒屢更僕我聽父老言我爲父老祝千秋殺氣盡永介斯

高平縣志

卷之十八

藝文詩

三

兵編

東學四世

白孕謙

吾愛畢四世矯然獨鶴立沈淡類揚子奇亦與之敵舉世
服其才難可得物色以我爲桓譚雀羅或見式長安攫金
地行客夜不息屏居數椽遠嘔血病窘嗇大道本龍蛇人
無金石質有酒不共飲何爲自徽纆

高平田沛蒼侍讀枉駕草堂忽猝未盡款待作此寄

謝

高軒度鄰邑山路景依依未滿留歡願虛令乘興歸朝儀
期早侍農務重相違憫悵花谿月難同理玉徽

通高平弔畢亮四方伯

陳廷敬

重過躬耕地秋原木葉稀一哀衝別路雙淚落行衣
臨危在文章付託非淒涼荒宅里清德耿餘輝

高平道中望城北人家二首

陳豫朋

僕僕征車塵滿襟故侯池館北城陰粉垣畫閣斜陽外似
隔蓬山十萬尋

望去疎村一徑斜春風未放小桃花酒人曾話當墟地白
板雙扉第幾家

長平懷古

裴希度

高壩斜日水潺潺薄暮雲生殺谷間鐵甲解時坑趙卒金
高平縣志

卷之十八

藝文詩

三

鞭敲處築秦關徒教父子從軍去不使兒郎策馬還四十
萬人身莫問頭顱收拾在荒山

輓渭南令

陳昌言

維公之品渾樸俱備維公之腸忠貞不二秀鍾懸壺縫分
渭治無端欖槍突而恣肆身犯其鋒舌詈罔悻事聞九閭
恩來殊賜立人之道曰仁曰義仁至義盡參天兩地

輓渭南令

趙進美

三嶠風雨車旆鱗黃巾百萬西入秦司馬敗北義兵走憑
陵不異沙與塵百城錯落數千里誰能不降復能死渭南
縣令爾何人乘陣一呼創者起瀕叟城開接短兵巷犬不

吠雞不鳴父老痛哭子弟盡秦
雲晝暗野火明凝碧池頭
氣蕭屑堂上烏啼燈半滅十月
阿房草盡枯縣令屍出巷
猶裂此時清渭仍向東高天獵
獵求悲風山鬼窈窕生
泣愁見中原落照空

訪畢亮四同年

魏象樞

門前如太古客到始開關
猛覺烟霜近猶非
竺石間奇文
開與交道氣豁堅
頑此夜無秋
夢應從悟後刪

哭畢亮四同年

負耒躬耕百畝寬
此身生死在雲巒
誰從海內知
班馬我
向山中識范韓
萬卷遺書皆手澤
千秋佳話一清官
重來

高平縣志

卷之十八

藝文詩

五

應 詔傷遲暮不是中朝荐士難

輓李慶餘少司寇

初疏情詞已自哀
榻前仍荷 玉音來
百年氣向封疆盡

一代名歸遲暮才
難報 主恩 兒輩在
欲垂家訓義堂開

過門不敢輕揮淚
自有星光燭 夜臺

輓李慶餘先生

田六善

十年疆域積殊勳
喜拜新 恩 掌白雲丹筆方揮臨
燭淚 緋衣早索記樓文
于公德澤君 堪許
晏子仁言誰再聞
歸 櫬蕭條書數卷
千秋景鑑在高 墳

遊定林寺

李棠馥

一逕縈斜上拱筇到碧岑
天香飄法界秋爽徧空林
樹色照旛影泉聲和梵音
陶然塵俗遠携手共長吟

小春遊法雲寺

穿石徑直上翠微巔
巒聳瞻天近峯孤得日先
蒼茫平野色縹緲成樓烟
身出浮雲表啣杯意爽然

步司馬兄携友遊定林寺韻

李棠薛

境勝過蕭寺秋山歛翠容
苔封迷曲徑壁峭響懸淙
說法花應墜忘機鳥樂從
由來逃俗意邱嶺寄結蹤

登臨期縱日輕屐入雲岑
雁影橫低岸蟬聲下遠林
山嵐新爽氣杯酒舊知音
遯跡皆疎散相携起暮吟

高平縣志

卷之十八

藝文詩

三

賦謝田大中丞枉顧

王奕駒

朝風暮雨獨淒其何事高軒過
棘籬夢幻不知長夜黑拘
牽常繫故人思門因有禁難運
客庭爲無人可賦詩莫道
窮愁須著作龍門往事正堪悲

仲夏將有事於麥隴邀社友觀刈陳壺山發句云出

家五月秋蓋山中寔錄也各以茲句成篇用紀厥

事

龐大樸

扇暑長風起田家五月秋農書
占大有帝籍荷天休望
隴黃雲盡搖天青浪收殊方多
碧種何用遠相求

秋山寒雨

陳燧

一葉飄桐滿地秋
葉雲高閣湧蛟流
孤村烟淡山連水
野渡泥封馬當舟
牧笛數聲驚睡鶴
燕巢一隊起寒鷗
暮收淨洗恒河界
珠樹曇花點碧邱

初春小山

樂聖西南嵒蕊葱
一水隈樹枝肥未
葉石面老生苔
城郭雲中見樓臺
畫裡開滄浪知可
濯於此謝塵埃

僧院對竹

陳 炯

亭亭唯覺此中寬
精舍慈雲隱画欄
出土便知終有節
幾回風雨報平安

題長平驛壁

董文驥

高平縣志

卷之十八

藝文詩

三

上黨南來狼孟城
連山地險不利兵
鼠鬪穴中勇者勝
父書能讀徒空名
趙王何愚趙人哭
國中壯士盡長平
土花血碧拾金戟
戰場處處今人耕
已降殺盡爲鬼雄
前有鏡頭後重瞳
杜郵之士烏江水
劍且賜兮船自艤
六十萬人含笑死

過長平西村故居有懷寄三山

張道湜

突起驅虎豹
儒生非爲家
萬姓倒懸解
海水靜江沙
及夢二犬言
山川皆震動
出險待七年
經綸足智勇
我走光狼道人尙
說雄風
葦竹青松宅
而無王乾公
歎息伊人遠
寂寞冥太行空

執畢亮四方節

趙介

雲埋韓嶺月葉落損秋神誰續文章古空留道氣醉故人
心未死知已淚方漸笛冷山陽夜吹殘夢裡春

執畢亮四

傅山

鸞鴻斥鷃欲誰何水擊三千笑則那帶血劍華丹嶂合揮
毫風雨黑雲多山川明晦隨融結西北文章任詆呵始啓
王侯安足道才名十倍大名過

過長平秦趙戰場之間得三章焉

傅眉

傾國重兵爭要害將軍枹鼓係存亡雲前趙血孤城紫沙
裡秦人戰日黃白起暗來無敢洩廉頗再至亦須防豈容

高平縣志

卷之十八

藝文詩

三

枕息邯鄲外西上臨洺卽虎狼

敢有旌旗摩澤潞豈無鼓角震邯鄲竟來三國膏肓地直
上中原背脊看卽不代韓先受禍何能與趙坐相安鬱崇
弗出虞卿媾不信秦人敢暴殘

秦王顛倒多奇畧六國偷存怨暴強共看公然趁上黨無
聞問道襲咸陽古來離合君臣際偏是英雄性命當思用
超人空至老猶能馬上愈悲涼

行取留題二首

白良玉

七年不厭一文錢好惡同民夜皆天謾道古法難作令輪
音諺荷姓名先

此日征車出縣城蕭蕭琴鶴束裝輕不知父老謫思否回首猶深撫字情

乙卯春賦別白梓潼父師

平兆提

鸞栖枳棘亦為緣緣斷飛鳴自九天過眼功名成剝物從頭膏雨自長年蘭臺此日欣瞻斗青史他時不怨賢黃霸神君多少憾公才十倍望加前

送晉高士王西村遊廬山

金德嘉

扁舟一葉下潯陽為訪青衫舊草堂真個廬山今到手康王谷口樹蒼蒼

振衣一眺官亭湖五老青巒入画图薜蘿后山僧磨石壁徐

高平縣志

卷之十八

藝文詩

三

凝惡句洗應無

送王西村同門謫閩中

范錫鼎

聖賢用鈍全身名豪傑以快遭顛仆任事無如鈍有餘忍辱何妨快不足快心之事不可為快心之言毋輕吐詩云出好是與戎蛾眉入宮斯見妒平陸隄防三峽危談笑埋藏九重霧莠苗不願穀苗肥醉漢寧容醒漢寤作雲作雨反掌間白衣蒼狗變朝暮噫嘻明哲如先生通塞莫能逃乎數振羽高飛向海天匣劍帷燈休再誤把酒銅鞮奈若何憐君翻作規君賦

贈姬文學

陶自說

高平娘子字仲貽我奇其詩人更奇雲堆老屋村底住黃
金散去羞低眉綉蘭結藍好裝束凌波容與遊江妃東隣
醜女嫁都盡髮白頭上終無筭有來十問九不應半是真
孽半作癡偶然發口吐微詞令我狂叫還解頤其詩編選
晉與魏其人磊落夷與齊我脩百年未脩志束帛往聘來
官司一見儻然俗情遠塵污百出逃靈犀能蒐古文出碑
碣善鑿法器分尊彝畢公妙秘世不識爲我乞得訂謬遺
直取淄澠辨丹沁更移鼎畢侵參莆一主一佐畢公賜嗜
奇想見君所爲大笑吟君臘香詠和章環疊如堦笮我今
歸去君莫悲我歸思君刻君詩劉父數首頗倔強昌黎之
高平縣志

卷之十八

藝文詩

三

外賞者誰子雲死後子雲生千秋萬世知有姬從頭甲子
細編輯倒笑授我慎勿遲

遶長平驛感坑卒事有作

高其倬

丹水橋邊落日明頭顱山畔晚烟生千年碧血無遺燐幾
簇黃沙有廢城陰密復冤酬上黨新安坑卒祖長平紛紛
豎子真兒戲齒冷西來阮步兵

秋霽涉雲自灑然有作

姬鼎燕

熟路經行處秋來幾作緣雨痕分竹勢雲影亂茶烟出鳥
鳴高樹無懷學古天此中聊復爾那更得林泉

蠟香咏

蜜脾蜂衙蟻聚香東君夢意啓花王深深靜苑音微迴落
落風流故態狂天許孤清盟碩果冬教土德慈微陽林道
莫憶江臯佩老徹環瑱不嫁郗

蠟香世外崎逸惜也擬其倫于梅豈所稱無名氏而半
馬任呼者與甚或此離處士之妻模糊介主之細抑更
寃矣近古來常題絕少無亦神物怙愛其寶而嫌名適
所稱自昧與曷若令此種獨往獨來孤行天地清非其
俗熱不因人覺山谷簡齋二小詩尚屬逗露余也詹詹
妄擬子墨多見其不知量猶之以牛馬呼也知我罪我
敬俟將來

高平縣志

卷之十八

藝文詩

三

招雲寺信宿

絕頂凌霞秀茫茫逐眼空披雲摹薛壁把酒問蒼穹有社
運元亮無言叩達公依稀聞靜籟却請耳根聾

長夏閉關讀書歌

畢 藻

計年日有三百六潛修常苦日不足維茲夏日長於年竹
牖松扃等空谷生意橫窓草不除架插縹緗上連屋晝漏
遲遲靜掩扉琴聲間歇書聲續唧唔一室夏雲深風度疎
林鳥佐吟洗心棲穆座器隔鷓筆勤耕墨烏陰翠雨鋤晴
六經畔晨夕何須傷獨日開帙古人覲而來宛如坐我青
玉案有時夜詠月當頭乘興牙籤任意抽賞刊奇文煥擊

第一聲長嘯凌千秋况今身依 帝闕奎垣問提撫幸獲
歸資益遭逢 壽考作人長分寸光陰倍自惜

咏史二首

餘賦
第一

深源未應聘林泉負盛名舉世仰丰采高風傾公卿朝廷
設壇席儼如待神明夫何身既顯未厭親聽情徒令千載
下寡效議書生曠懷古君子能藏復能行出則弘遠謨處
非盜虛聲立身有本末所係良非輕

先哲唯知道藏脩不近名豈曰乏才華識量自深宏史稱
王楊輩髫年早蜚聲文章推四傑落筆風雲生英氣露眉
睫直欲凌公卿夫何難致遠翻爲識者輕三復行儉言深
人嘆息情生才天有意莫自負玉成

高平縣志

卷之十八

藝文詩

三

丹朱嶺

朱 棹

丹山構鳳穴朱明揭洞天二名今合併茲嶺乃高騫昔者

堯禪舜處子臨丹淵

漢律歷志堯處
子朱於丹淵

地記苦茫昧陳迹多

妄傳我曾讀酈注丹林探洪源

山海經水經注丹水源出
丹林朱字乃後人妄增耳

方其未濫觴一竇流涓涓東注會堯谷巖崖互變遷膚寸
夏雲合猛雨盈百川丹谷獨後至厥勢張蜿蜒象水就繩
壘吞吐不敢前逡巡如有待濡沫空迴漩冰學蠖蜒抱河
疑精衛填截流翁巨口縮氣窺龍蟠移時乃涌發其來也
忽焉相隨決渠下霆奔下井闕冬芹忍寒淥暖性抽翠烟

少戶歲報賽沉璧祈豐年斯無或不謬側聞父老言晨光
遲東谷摩頂春松圓危石露青泚細草呈絳妍捫苔識篆
猶好事留神鑄

嶺上有明陳
御史裴題名

虞賓倘陟降望古轉悠然

米山

城下何須庚癸呼不妨聚米繪山圖
若人莫笑三遺矢曾問將軍善飯無

高平書事

絲穿驛路遶平岡高阜參差半夕陽
箭鏃會冤薶殺谷戰塚留鬼咲輸場
帘飄澹白梨花釀門掩深紅柿葉霜
籬外幾番曉絡緯不知織女爲誰忙

高平縣志

卷之十八

藝文詩

七

喬村驛

百箔葦收響絡車綠陰忽轉露人家
春鳩懶喚茶糜雨夾路香清護棗花

人如劫後喜重逢官紙新題救螫龍
雨鬣烟針無恙在驛樓東岸雨株松

詩有議伐雨
松者檉上之

長平箭頭歌同穆門

太白星流狂食昴邯鄲軍饑廉頗老谷口
悲風送冷雲不許東方發紅焰綠衫小吏倚
驛門箭頭拾自主報村土花
卓碧古血死刺此寸鏑鳴秋冤鈍簇三稜
露飽脊挾詐殺降誰盡策毒雨崩城戰壘隳
猶見沙燻未薶豁

甲寅秋高
平陽書事

一角尚
頭顱大者為鬼雄國殤楚祭春旂紅左更已齒
杜郵劍豈得留任咸陽中過客吟詩弔殘鏃怕向西郊買
繁竹猛焰難銷秀鋌山齒鋒蚤脫鈔魚簾丹林一水涓涓
流上黨鬼哭韓陘愁四十萬人同穴壘蒿塢剪草迷青邱
莫與箭頭腥莫洒長平涕坑趙坑秦同一例償爾新安一
守魂復仇喜得虞姬壻

風穴

噫氣洩土囊一竅主耗溢三日先吟風自口吐而出三日
例納風侈口咽而入呼吸如有神譚理涉怪講登彩巖
呀比屋戰蕭瑟非遷孟婆居豈鑿析丹宅殺角轉四時地

高平縣志

卷之十八

藝文詩

吳

籟乍奔逸怒者其誰耶自取恐過寔時方困乾封占雨候
鷄埕密雲自西來陰翳可蔽日伯也不我慈朋扇助嘯叱
屯膏凶已兆應雪期屢失輸誠塞旱洞我躬未遑恤空傳
梵語靈僧咒演禁律姑吟過客詩未補救荒術

曉行至馬村

曉行寧不畏短袖溼秋浪野霧截三里孤烟覆一村草荒
斜轉路藤窠曲藏門茲地宜淳朴從誰細討論

小野川

居人無火姓一水互灣環黃葉去空樹青來外縣山籬
雞丹乳沙耗鷺長閑不信重陽過巖花類菊斑

王報村二首

石田細草剩朱殷滿谷秋魂散未還倒盡酸瓶重訪古
嶺嘯過鬪澗山

村前村後鳥呼風雁筍鋪烟箭血紅一笑杜郵人齒劍不
知坑趙有何功

賈村二首

門臨丹壑夕陽多父老猶能說治河岡口埽臺移故道可

憐恩怨雨消磨

明初有題長平驛詩賈魯治黃河恩多怨亦多百年千載後恩在怨消磨見堯山堂

徐州戰後死濠州故宅於今改驛樓一桁虹梁眠十丈高

高平縣志

卷之十八 藝文詩

三

明鬼瞰定生愁

驛廳五間一梁貫之人循及見也

再過長平驛題賈左丞宅

杜寨楊村落照中誰憐五舍是孤忠

魯子五舍元不須再亡殉節碑記

賦長沙鵬一例承塵破廟風

長平箭鏃行

周京

長平箭鏃長一寸三角觚稜枯鋒鈍銅花上澁磨不光猶

是當年血腥暈我思秦旣殺人不用兵商鞅阡陌蒙恬城

戰功特數殲趙卒四十萬人同一坑嗟乎自起殺降亦不

勇解甲拋戈在樊籠詐使易欺括小兒一劍仍教杜郵捧

至今患氣狸雲昏精靈哭野夜號門村民頂禮鬪澗骨飲

介祭祝安寃魂安寃 魂省寃谷日鶴鷓聲池魚未許遣煎
烹秦熾造歎空紛紛 千年箭頭猶留斷過客點憶徒酸聞
可憐誰說廉將軍

贈李夢明

朱本素

韓王峯頂石峻峭想見孤標第一層家計甚輕甘讓產宦
情久失固辭徵雲山採藥鋤隨岐雪案攤書酒拌燈會看
桂枝花蕭旒秋香庭院露華凝

金峯晚眺

平臺高敞俯晴川一寄情懷擬昔賢令節恰當新霽後深
秋最好夕陽天飽嘗首藉經三載醉插茱萸又一年跋望

高平縣志

卷之十八

藝文詩

早

家山橫翠靄蕭蕭烟樹晚風前

段際唐一室義行

李培蔭

卓哉周纂之東里凜凜義行有段氏義在男子篤友恭
在婦人知生死從來商賈重貨財同室之人分彼此際唐
賢勞歷苦辛絕甘分少全兩弟兩弟全兮身已摧呻吟床
蓐運何否小星割股起沉痾人情極處卽天理羸怯尙能
育嬰兒方之伯道事尤美誰言妻妾不相容惟鄭於吳反
生喜吳既拋兒殉夫亡鄭乃從容撫孤子撫孤成立與指
驅孰易孰難摠一是遠近聞者咸嘆息巖習巾幗俱罕比
老夫漫賦詩一篇與傳其事於青史

菊圃書懷

并力芸荒圃蕭然物外情
年衰忘紀甲食盡怯呼夷
蔬果三時熟風光一味清
山農爲伴侶好醜與誰爭

贈孝子李東二首

客爾欽

萬里尋親志不回
山蟲野賊漫相摧
迷魂纔定悲魂結
腸斷珠崖負骨來

落日孤踪瘴海邊
艱難歷盡慰窮泉
須知此事宜傳布
可當風詩陟岵篇

余昔閱兵潞澤信宿高平
李少司馬園林今重過此
地風景不殊園亭如故
偶得長律書誌瞻懷并以

高平縣志

卷之十八

藝文詩

望

勗其後人

阿里衮

尙書清節冠通侯
曾記巡方枉昔轡
邸第樓臺猶舊澤
園林花木又清秋
山程信馬知前路
魚鳥親人若故儔
爲語烏衣諸子弟
好思名德副旁求

宿李少司馬園亭和阿大中丞原韵

德保

園亭瀟洒舊公侯
冬日凌寒漫駐輜
間竹那須尋蔣徑
看花何必是新秋
中書事業存方簡
元禮家風憶故儔
定有聲能繼者
予將爲國網羅求

寫懷

石中玉

有限光陰不再逢
蓬萊驢破帽
逐東風
無名花放空山裡得

志詩成野寺中少壯未遭青眼客衰年誰
信白頭翁陽春
一由難爲和異世桓譚注五束

懷司靜山

苗令琮

石末宜孫里蒲溪幾山深先生白雲侶小
隱紫峯陰松老
著書日草知觀化心侯芭好奇字載酒欲
相尋

贈司靜山

竇漢輔

縹緲韓山入紫冥烟霞深處有伊人交情
風雨餘三載別
怨星霜歷五春獨識剛腸仍是鐵相看斑
鬢摠如銀千秋
大業今藏否時仰元亭擬卜鄰

留居感興八首

司昌齡

高平縣志

卷之十八

藝文詩

聖

留居屏人事齊彼得喪喘息機觀群動勞
勞足憫歎坐臥
高卷中千古共盤桓寂靜起道心花鳥助
文澗雖無榮貴
樂而覺夢魂安不割亦不別吾璞可自完
胡爲逐名利時
與憂患干

號物數盈萬賦予從大造自非平心人烏
能窺其妙昏庸
多富厚賢哲翻潦倒逐貧苦無術窮鬼紛
來誚日月環九
垓豈此獨遺照富厚名磨滅賢哲青史耀
得失將有在無
爲遽相笑

蘭生深谷中寂寞發奇馨豈因美人折始
襲國香名秋菊
含佳色九月乃吐英胡弗麗三春與彼桃
李矜清芬足自

賞淪落見結貞嚴霜將下降此復益崢嶸芳艸且有守何
况松柏莖

肝膽可御窮緩急仗朋友信義君子重流俗爭杯酒當其
相須時親若左右手所求既已遂棄擲等敝帚安樂且如
此患難復何有朱穆著絕交翟公署門首自古人所歎達
者終存厚

江漢深且廣欲濟苦無梁雲臺高且貴欲登誰相將顯晦
各有營時命亦有常苟無塵外賞物色但驪黃綠耳服監
車偏側奚騰驟鍾期不失聽琴韻乃洋洋入苟遇知己衰
老復何傷

高平縣志

卷之十八

藝文詩

三

昔在少年時嘗夢登五岳置身霄漢際俯視但漠漠又聞
五陵源桃花猶灼灼洞天多異人晤言洵可樂何圖俗累
牽老大成濩落高舉無羽翼遠遊將安託探奇志不遂胸
中自邱壑

節序荏苒逝韶華黯淡過慷慨欲振厲精力已消磨聖人
惜寸陰下士每蹉跎苦無曠然識隨俗任網羅德業不加
進毛髮空自皤望古長太息對酒益悲歌嗚呼少不勉老
矣可奈何

世運有循環人情如轉軸君子守其常所凜在岳獨衾影
苟無慚身貧內自足矧余稟先訓夙夜念遺躅顯揚愧未

能安敢輟誦讀永持歲寒心
志軍肯助尋敝廬聊足愛詩
書可式載

懸壺山

高平舊志傳此山爲費長房遇壺公遺蹟中有洞或云
藏仙書於此又有祈夢處考後漢書遺蹟應在汝南不
知何以在此也

欲問仙翁事有無登臨不厭此山孤曾聞下蔡龍爲杖未
見長平鬼懼符祈夢石床心悵望尋書絜洞意踟躕玉堂
巖麗空傳說剝得烟鬟入酒壺

定林寺

張又華

高平縣志

卷之十八

藝文詩

四

峯高逼星河谷轉盤石磴絕頂噓遠風隔林聞鐘磬古木
霽餘清名藍踞絜勝階前衆壑險窻外飛瀑競峭壁蟠長
松虛亭通危徑澄靜照禪心空翠悅鳥性及日雨復佳歸
雲樓不定嵐氣蔚然出界破天宇淨坐對白足僧逍遙萬
綠屏竹色侵衣裾仙梵滿清聽虹散夕陽沉群山亂欲暝

炎帝陵

雲中髣髴見靈旂窆石陵前宿草腓禾黍百年思帝力冠
衣萬國肅神威翠屏墓枕寒烟重丹水碑開夕照微遺廟
不隨滄海變千秋俎豆有光輝

十里長平道愁雲戰後多荒涼留趙壁千古憶廉頗有險
空如此當年竟若何大糧山下水爲我助悲歌

駐馬荒屯下凄清白露天高臺遲暮日野徑斷人烟艱阨
君臣遇飛揚少壯年蒲生真足慕終老趙山川

廉頗屯

張承綸

堅壁收精銳臨危仗老成蜂屯米子圍虎視武安城一顧
心猶壯千金間已行壽春思趙卒垂白涕縱橫

按昭明文選選家之始也詩賦列於前雜文以類叙
纂輯藝文首詩冠以

御製一章示尊且昭明例也至文不從類隨時代編蓋志

高平縣志

卷之十八 藝文詩

星

非選文資以核事事有廢興本末先後因時可考故
變例焉

詩餘 附

望海潮 代州南樓

金趙可

雲朔南陔全趙幕府河山襟帶名藩有朱樓縹緲千雉回
旋雲度飛狐絕險天圍紫塞高寒弔興亡遺跡咫尺西陵
烟樹蒼然時移事改極目傷心不堪獨倚危闌惟是年
年飛鴈霜雪知還樓上四時長好人生一世誰閑故人
有酒一尊高興不減東山

鷲山溪 賦崇福荷花崇福在太原晉溪

雲房西下天共滄波遠走馬記狂瀉正芙蓉平鋪鏡面浮
空欄檻招我倒芳尊看花醉把花歸扶路清香滿 水楓
舊曲應逐歌塵散時節又新涼料開徧橫湖清淺冰姿好
在莫道摠無情殘月下曉風前有恨何人見

好事近

密雪聽窻知午醉晚來初覺人與膽瓶梅蕊共此時蕭索
倚窻閑看六花飛風輕止還作箇裏有詩誰會滿疎籬

寒雀

浣溪沙

擡轉爐薰自換香錦衾收拾却遮藏二年塵暗小鴛鴦

高平縣志

卷之十八

藝文詩

吳

落木蕭蕭風似雨疎櫺皎皎月如霜此時此夜最淒涼

又

火冷薰爐香漸消更闌撥火更重燒愁心心字兩俱焦
半世清狂無限事一窻風月可憐宵燈殘花落夢無聊

望海潮

發高麗作

按朱竹垞詞綜作贈妓

雲垂餘髮霞拖廣袂人間自有飛瓊三館俊游百銜高選
翩翩老阮才名銀漢會雙星尙相看脈脈似隔盈盈醉玉
添春夢雲同夜惜卿卿 離觴草草同傾記靈犀舊曲曉
枕餘醒海外九州郵亭一別此生未卜他生江上數峯青
棖斷雲殘雨不見高城二月遼陽芳草千里路傍情

卜算子 謝太白詩

明月在青天借問今時幾但見宵從海上來不覺雲間墜
流水古今人共看皆如此唯願當歌對酒時長照金尊
裡

鷓鴣天

金絡閑穿御路楊青旗遙認醉中鄉可人自有迎門笑下
馬何妨索酒嘗 春正好日初長一尊容我駐風光歸來
想像行雲處薄雨霏霏洒面涼

又

十頃平波溢岸清草香沙暖水雲晴輕衫短帽垂楊裏楚

高平縣志

卷之十八

藝文詩

聖

馮相看別有情

揮彩筆倒銀鑿花枝照眼句還成老來

漸減金釵與酒施春光與後生

集句

鳳棲梧

霜樹重重青嶂小高棟飛雲正在霜林杪九日黃花才過
了一尊聊慰秋容老 翠色有無眉淡掃身在西山却愛
東山好流水極天橫晚照酒闌望斷西河道

婆羅門引

保德西樓作

李晏

汗融長日豈知高處有風清倚闌襟袖涼生坐上看崩雲
脫壞不礙亂峯青待目窮千里却怕傷情 河汾古城聽
梁岍恐濤驚好是烽沉岳障鼓卧邊亭西樓老子更無用

胸中十萬兵酒到處莫放杯停

虞美人

佳人酒暈紅生頰灑灑霞千疊雨餘紅淚濕黃昏誤認當年人面倚朱門
飄零又送青春莫悵望劉郎去教人不恨五更風只恨馬蹄無處避殘紅

鷓鴣天

冉冉萋萋雨後村芳塵不到五侯門曾隨曉淚擦詩思又向春風入燒痕
春去後憶王孫啼紅南浦記芳溫夕陽接外連天遠乞與騷人怨楚魂

菩薩蠻

回文

高平縣志

卷之十八

藝文詩

四

斷腸人去春將半歸客倦花飛小窻寒夢曉誰與画愁眉

臨江仙

晚秋

明郭鑿

風厲霜淒將日暮空林鴉鷓齊鳴蘭皋芳歇靡蕪平風前傷葉落飄轉類浮生
况是悲秋秋更晚衷腸欲訴誰明美人不見獨含情今年看又盡何日續絳盟

阮郎歸

趙執

月觀風亭鎮日閒瑤葉慣去彈鶯聲只在柳頭喧蟬鷺逝不還
榴花噴小荷翻綠水遶曲欄鷓鴣喚起情無言風涼不用統

蟾宮曲

重過山亭

國朝

川光復

跨山腰窈窕圍亭經一度花新又一度花新繞迴廊梧竹
青青疾一陣風聲湧一陣風聲倒芳樽催佳句想一段歌
行寫一段歌行藝名香詞清韻按一曲瓊琴奏一曲瓊琴
歸去也晚涼細生留一步月明隨一步月明

雨窓愁 元夕感懷

畢 際

上元佳節火樹銀花士女盈香陌怪殺春光偏妬客一刻
千金客裏何消說 故園景色今夕何如千里雲山隔處
處相同惟有月也照歡顏也照愁眉曉

雨窓愁

七月三日夜雨忽憶去年北上正是日也年
華一易小詞誌感

蕭條院宇兀坐黃昏簾外風吹雨夏去秋來如逆旅鎮日

高平縣志

卷之十八

藝文詩

四九

淒涼管甚寒和暑 愁思幾許去歲茲辰行色匆匆苦料
得家人相對語未卜歸期先把行期數

按詩餘無預于志也顧通志府志胥有錄焉拾遺所
載附諸詩後亦以見高平先達長于倚聲之學者正
不乏人文雅風流一斑可見後進之士不可咏歌興
起歟

